

格言叢輯

結 轉

音

載

古華亭

紉秋

題



中華民國十年十二月初版

版權所有

不許翻印

格言叢輯第十二集

定價大洋一角五分

編輯
兼
發行人

青浦郁慕俠

印刷所

上海著易堂書局

總發行所

上海格言叢輯社

▲本社白事一▼

敝社因鑒於世風澆漓。道德淪喪。長此因循。國將不國。用是廣聘通人。編輯格言叢輯。以應時世之需要。發行以還。猥蒙 各界鉅公。獎勉有加。許爲濟世之寶筏。指迷之金鑑。敝社無任忻幸。第同人學識燕陋。兼之倉猝成書。或有錯誤重複及脫漏諸弊。倘荷愛閱諸君指謬。同人願引爲知音。並薄具酬贈。以答賜教者之雅意。

上海格言叢輯社啟

▲本社白事二▼

倘荷海內外熱心同志。以古今中外聖賢豪傑之格言惠寄者。無任歡迎。惟須不背敝社宗旨。與未曾刊過前集者爲合格。一經選刊。當按稿件之多寡。酬以現金書籍與本書等贈品。聊答厚意。(惠函請直寄上海格言叢輯社收。無不投到。但關於裝訂成卷者。以掛號爲佳。) 惟來稿無論取否。概不退還。

上海格言叢輯社啟

松滬軍使何茂如先生題

先言金鏡

何豐林



奉 天 教 育 廳 謝 廳 長 題 詞

世衰道微

蕩檢失規

詖詞邪說

全涌紛歧

放心失性

行僞言違

孰拯孰匡

孰導孰維

懿歟郁君

作生民師

遠紹宏羅

法語訓辭

輔道翼教

厥功無涯

玄黃萬變

此性不溜

▲中外格言叢輯十二集

●董士廉選

暗箭射人者。人不能防。借刀殺人者。己不費力。自謂巧矣。而造物尤巧焉。我善暗箭。而造物還之以明箭。而更不能防。我善借刀。造物還之以自刀。而更不能費力。然則巧於射人殺人者。實巧於自射自殺耳。

(史增臣)

以詭詐爲能。以忠厚爲拙。以勢利爲重。以廉恥爲輕。以逢迎奔競爲有才。以安分守己爲無用。以請託徇私爲多情。以孤介剛方爲刻薄。以

健訟打降爲豪傑。以捏詞造謗爲智謀。風俗人心。頹壞已極。(沈近思) 習俗敗壞已極。挽回習俗。惟有志之士能之。(劉宗周)

里有君子而鄙俗化。(古語) 道遠知驢。世僞知賢。(曹植)

國之需才。猶魚之需水。鳥之需林。人之需氣。草木之需土。得之則生。不得則死。才者無求於天下。天下當自求之。(胡林翼)

得士則彊。失士則危。(東方朔) 十步之內。必有芳草。四海之中。豈無奇秀。(隋書煬帝紀)

能將小學字字熟讀深思。則可爲聖

爲賢。亦可保身保家。(陸稼書)

讀論語者。但將諸弟子問處。便作

己問。將聖人答處。便作今日耳聞。

自然有得。(程氏遺書)

讀論語孟子而不知道。所謂雖多亦

奚以爲。(程氏遺書)

舍小學四書五經宋諸儒性理之書

不讀。而讀他書。猶惡睹泰山而喜

邱垤也。藐乎我知其小矣。(薛瑄)

讀史須見聖賢所存治亂之機。賢人

君子出處進退。便是格物。

(程氏遺書)

讀書須是識字。固有讀書而不識字

者。如孔光張禹許敬宗柳宗元。非

不讀書。但不識字。孔光不識進退

字。張禹不識剛正字。許敬宗不識

忠孝字。柳宗元不識節義字。此可

爲學者之戒。(李衡識字說)

讀書做人。不是兩件事。將所讀之書

句句體貼。到自己身上來。便是做

人底法。如此方叫得讀書。人若不

將來身上理會。則讀書自讀書。做

人自做人。只算做不曾讀書底人。

(陸稼書)

學者須於人情所甚難處打得過。方

是學問。若平日雖說得。至臨時却打不過。則亦無貴乎學問矣。

(王少湖)

處大拂逆。無忿怒意。處大變故。無驚亂意。處大困窮。無憂悶意。處甚卑賤。見甚顯達者。無沮喪意。處大紛雜。大煩勞。無厭惡意。處大貴顯。當衆人大崇敬。無自喜自滿意。見甚微賤。甚相狎者。無輕藐意。處幽獨之地。無自肆意。聲色貨利滿前。無動心意。凡此皆是於人情所甚難處。打得過也。(王少湖)

人有諷諭我者。必其愛我之甚。不置。

我於度外者也。當和顏以受之。彼樂於言。我得實益。(彭端吾)

譽常積于榮餘。毀多來于困極。

(龍門子)

王嬙西施。善毀者不能蔽其好。嫫母倭傀。善譽者不能掩其醜。

(王褒講德論)

邪徑敗良田。讒口亂善人。(成語)

(戰國策)

禍之所由生也。生自纖纖也。是故君子早絕之。(荀子)

內省不疚。生死不足動其心。何況禍

福。

(李穆堂)

禍之至也。人自生之。福之來也。人自成之。禍與福同門。利與害同鄰。自非至精。莫之能分。是故智慮者。禍福之門戶也。動靜者。利害之樞機也。不可不慎也。(文子)

禍福同根。妖祥共域。禍之所伏。反以爲福。福之所伏。反以爲禍。妖之所見。或能爲吉祥之所降。亦迴成凶。有知禍之爲福。福之爲禍。妖之爲吉祥之爲凶。則可與言物類矣。

(石匏子)

夫聖者無不通之稱。聰無不聞。明無

不見。思無不得。動無不中。言必可道。行必可法。貫三才。備萬善。至神妙物。與天同功。詎可輕易而居之。

(胡致堂)

聖人之心。如鏡如止水。(程子語錄)

儒之教以萬法爲實。釋之教以萬法

爲空。(真西山)

若人欲識佛境界。當淨其意如虛空。

(佛經)

世人學仙。雖歷刼修行。未易成就。惟大忠大孝。命終之日。立證仙班。

(道書)

眞人之心。若珠在淵。衆人之心。若瓢

在水。(道家語)

節欲之道。萬物不害。(管子)

富貴百年難保守。輪迴六道易循環。

(雖洪先)

寄語紅塵輕薄兒。人身難得曾知否。

(昔賢詩)

此身不向今生度。更待何時度此身。

(古語)

先儒於鬼神之說。天堂地獄之說。往

往力辨其無。先儒不過據己所見

如此。未必盡能通天徹地。何從遂

決知其無。只慮世人誣事鬼神。惑

於僧道。信邪悖正。棄倫害理。故毅

然辨之。所以有功於世也。(紀大奎)

爲學喫緊。是要打破一欺字關。卽如

居常笑語動靜。最微最細。簡點不

到處錯失。都是此欺字根株。

(祝子遺書)

出言陳詞。身之得失。國之安危也。

(子貢)

喜怒哀樂中節。視聽言動合禮。子臣

弟友盡分。乃終身行之不能盡者。

(孫夏峯)

骨肉失歡。有本至微。而終至不可解

者。只因失歡之後。各自負氣。不肯

相下耳。有能下氣與之趨事與之

話言。則彼此酬復。豈不漸如平時。

(湯準)

宗族鄉黨。不和不一。必是在我處之。不盡其道。但可責己。不可尤人。

(張楊園)

胸多抑鬱。怨天尤人。不特不可以涉世。亦非所以養德。不特無以養德。亦非所以保身。(曾滌生)

處其心常在熙春麗日之間。則天下無可惡之人。(解大紳)

絕人我則天理自著。(曹端)

念念愛人。是立德立言立功之本。

(陳惕龍)

待人最要從厚。人待我不循禮。我以

薄施之。是我無以異於彼也。只循

我分盡我心。(蔡世遠)

凡人平日不相知。偶然以禮加我。必當審度。勿輕爲彼籠絡。無故私恩。不可受。受則難酬。此之謂也。

(彭端吾)

凡遇微賤人。就要眞實能容。卽犯我亦以恕他。謂無知也。我如震怒加之。彼烏能當。謂此輩有何不可陵虐。我亦陵虐之。是侮鰥寡之謂也。

(彭端吾)

我不能容人。謂之無度量。我爲人所

容謂之無志氣。(魏禧)

人不肯喫虧。一半固是自私。一半却也是好勝。不知越有勢力。越要讓人。越富貴。越要損己益人。自處越退。身分越高。切不可爲好勝之心誤了。(紀大奎)

聖人不怨天。不尤人。心地多少。灑落自在。常人纔與人不合。卽尤人。纔不得於事。卽怨天。其心忿忤勞擾。無一時寧泰。是豈安命順時之道。

(吉人遺鐸)

人生第一件事。莫如安分。(張文端公)
不可阿諛逢迎。求其比己也。(程伊川)

與君子以情。與小人以貌。與平交以禮。與下人以恩。(焦溪園)

人生天地間。要做有益于世底人。縱沒這心腸這本事。也休作有損于世底人。(呂叔簡)

不信人言。自以爲能者。乃愚者也。

(德意志語)

鑒他人之經驗。而戒自身。是爲上策。

(拉丁語)

與惡友相交往。則爲惡風所化。

(英吉利語)

幼而不肯事長。賤而不肯事貴。愚而不肯事賢。謂之不肖。(願體集)

與人相交。一言一事。皆須有益於人。

便是善人。(張文端公)

士君子之偶聚也。不言身心性命。則言天下國家。不言物理人情。則言風俗世道。不規目前過失。則問平生德業。傍花隨柳之間。吟風弄月之際。都無鄙俗嫖嫖之談。謂此心不可一時流于邪僻。此身不可一日令之偷惰也。若一相逢。不是褻狎。便是亂講。此與僕隸下人何異。

(呂叔簡)

世間之人。不德之事。出諸於口。似屬可恥。然行之反不覺其恥。

(英吉利語)

平生之諧謔。往往喪失吾人之良友。

(英吉利語)

欲朋友之交日深。有三要件。一當朋友之面。宜敬重之。二對於他人。則稱揚之。三遇必要之際。須襄助之。

(以太利語)

敦威儀。慎行止。正心術。保身體。孝父母。友兄弟。睦宗族。和鄉里。遠小人。親君子。自誠明。一終始。不他求。得於此。(曹月川童子箴)

忠信立身之本。(薛文清公)

行七八分。言二三分。(全上)

自家身子。原是自家。心去害他。取禍

招尤。陷于危敗。更不干別箇事。

(呂叔簡)

當可怨可怒可辨可訴可喜可愕之際。其氣甚平。這是多大涵養。

(全上)

處事大宜心平氣和。(薛文清公)

少年大病。第一怕是氣高。(呻吟語)

靜定後。看自家是甚麼一箇人。

(全上)

口有慣言。身有誤動。皆不存心之故也。

(全上)

作本色人。說根心語。幹近情事。

(全上)

人精神飛揚。心不在殼子裡。便害事。

(朱子)

世間惟財色二者。最迷惑人。最敗壞

人。

(高忠憲公)

謹防外好以奪志。(薛文清公)

理論雖精當。若不能實行。又何益哉。

(英吉利語)

眞實者寡言。虛僞者多辯。(德意志語)

人以質樸爲貴。(英吉利語)

自輕之人。人亦輕視之。(全上)

無善因者。必無善果。(和蘭語)

恕一惡而萬惡便從之而起。

(葡萄牙語)

誤一步。便有千里之差。(英吉利語)

不論何種之過失。均有匡正之道。

(英吉利語)

世間之人。若不重德義。便不重名譽。

(英吉利語)

孝子侍親。不可有沈靜態。不可有莊

肅態。不可有枯淡態。不可有豪雄

態。不可有勞倦態。不可有病疾態。

不可有愁苦態。不可有怨怒態。

(呻吟語)

人子事親。顏色詞氣。必須和婉。不得

失之嚴直。媳婦事翁姑亦然。

(袁君載)

兄弟貴於財產。(梭格拉底)

兄弟姊妹。一父母所生。一家庭所長。

其互相愛宜也。禽獸猶愛其類。而

況於人乎。(全上)

凡子弟每事一稟命於所尊。便是孝

弟。(溫氏母訓)

治家之道。謹肅爲要。(張文端公)

教子之道。擇師友是第一急務。

(梁顯祖)

保家莫如擇友。(張文端公)

琴棋賭博。聲色伎玩。花卉蟲鳥。不惟

妨工墮業。尤蠱心惑志。爲害非輕。

當一切絕之。(胡氏家訓)

夫婦正也。然亦貴有節。若云正慾非淫。則家釀遂不醉乎。且人生終身疾病。恒從初婚時恣情無度。多成癆怯。甚至夭亡。累婦孀苦。當思百年姻眷。終身相偶。何苦從數月內。種却一生禍根。前輩每遇子孫將婚。必諄諄以此戒之。(四戒彙纂)

早婚乃一種之禍根。(索士比亞)

惡緣爲惡運之基。(英吉利語)

娶溫順之愚婦。較娶嬌傲之才女爲

佳。(全上)

生子之後。宜與以美名與職業。

(西班牙語)

職業足以苦人。亦能使人有成功之樂。(英吉利語)

勞働二字。其根苦。其實甘。(德意志語)

貧窮爲藝術之母。(以太利語)

貧困能令人奮發。(英吉利語)

非由正直而得利者。不可謂爲利益。

(英吉利語)

三軍要他輕生。萬姓要他重生。不輕

生不能戡亂。不重生易于爲亂。

(呂叔簡)

明義理易。識時勢難。明義理。腐儒可

能。識時勢。非通儒不能也。(全上)